

- 437 -

Na osnovu člana 25. i 105. Statuta općine Zavidovići („Službeni glasnik općine Zavidovići“ broj 5/08 i 5a/08), Općinsko vijeće Zavidovići, na 34. sjednici održanoj 31.05. 2011.godine, donijelo je

O D L U K U

o ustupanju na korištenje dijela poslovnog prostora Javne ustanove „Gradski dječiji vrtić“ Zavidovići

Član 1.

Općinsko vijeće Zavidovići daje saglasnost Javnoj ustanovi «Gradski dječiji vrtić» Zavidovići, da ustupi na korištenje montažni dio poslovnog prostora, koji se nalaze u zgradi označenoj sa k.č. 596/1 upisanoj u P.L. 213 K.O. Zavidovići, upisan kao DRSV Dječiji vrtić «Mića Marković» (Stara zgrada vrtića), sa dijelom posjeda 1/1 Ambasadi Lokalne demokratije Zavidovići, koji se sastoji od: radne sobe površine (50,25 m²) i WC-a (površine 12,48 m²) u ukupnoj površini od 62,73 m².

Član 2.

Poslovne prostorije iz prethodnog člana koristiti će se isključivo za potrebe Ambasade Lokalne demokratije - Udruženje „Sigurno mjesto“ sa svrhom pružanja usluga žrtvama porodičnog nasilja.

Član 3.

Poslovne prostorije daju se na korištenje na period od 5 godina, sa mogućnošću produženja Ugovora, uz naknadu od 5,00 KM po 1 m².

Član 4.

Ambasada Lokalne demokratije Zavidovići snosit će troškove opremanja i izmjene namjene dijela poslovnog prostora, utroška električne energije, vode, grijanja i druge komunalne usluge za poslovni prostor iz člana 1. ove odluke.

Po isteku Ugovora, prestanku potrebe za korištenje poslovnog prostora iz člana 1. ove odluke, ili ukoliko se ukaže potreba za ovim prostorom za potrebe Javne ustanove «Gradski dječiji vrtić» Zavidovići, Ambasada Lokalne demokratije Zavidovići, dužna je isti predati u posjed Javnoj ustanovi «Gradski dječiji vrtić» Zavidovići, doveden u prvobitno stanje.

Član 5.

Ambasada Lokalne demokratije Zavidovići upravljat će imovinom iz člana 1. ove Odluke u skladu sa namjenom i u skladu sa zakonom, te vodeći računa o istoj sa pažnjom dobrog privrednika.

Ambasada Lokalne demokratije Zavidovići neće potraživati bilo kakva sredstva po osnovu izvršenih ulaganja.

Član 6.

Ovlašćuje se direktor Javne ustanove «Gradski dječiji vrtić» Zavidovići da na osnovu ove odluke, zaključi i potpiše ugovor o ustupanju na korištenje dijela poslovnog prostora iz ove odluke, sa Ambasadom Lokalne demokratije Zavidovići, kojim će biti regulisana prava i obaveze ugovornih strana.

Ugovor iz stava jedan ovog člana dostaviti u Općinsko pravobranilaštvo Općine Zavidovići, na mišljenje.

Član 7.

Odluka stupa na snagu prvog narednog dana od dana objavljivanja u „Službenom glasniku općine Zavidovići“.

OPĆINA ZAVIDOVIĆI

- OPĆINSKO VIJEĆE -

Broj: 01-23-1175/11

Datum, 31.05.2011.godine

PREDSJEDAVALAČI

OPĆINSKOG VIJEĆA

ing.Radosav Petrović, s.r.

(M.P.)